



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De reuelatione scripturarum mysticarum, à Deo impetranda. XX.

[urn:nbn:de:hbz:466:1-45790](#)

sicare, soli melius dicas; quia multis nonnunquam displaceat, quod unus vel duo grataanter audiunt.

§. 19. De quibus materijs est interrogandum & colloquendum.

**Q**uestiones in scripturis noli mouere in communi audiencia, neque de materijs altis & curiosis libenter loquaris: sed quæcumque sunt humilia, virtuosa & amabilia, deuota & excitative ad amorem Christi, pacifica, pudica, & honesta coram Deo & hominibus, hæc loquere & exhortare. Si vero audieris aliqua difficulta & obscura moueri ab alijs, tace primo, & cogita, quod sis discipulus Christi; quem non oportet docere, sed audire humiliiter verba seniorum; & cum verecundia & reverentia utilia interrogare, & discere in silentio. Vnde Paulus dicit: *Docere autem mulieri non permitto*: id est, non patiar, quod infistat aliorum doctrinæ, qui infirmus est & debilis in virtutibus, & quodammodo adhuc carnalis est, in quo saepe abundant passiones superbia, ira, rixæ, gule, inuidia, vanæ gloriæ, & ceteræ pestes cordis & morum levitates: cui neq; est experientia & annosa exercitatio spiritualis vitæ & disciplinæ, sed vana & indeuota scientia, & assuetus ad non interrogata leuis responsio. Iustum enim non decet, presentibus alijs & peritioribus, quicquam loqui, docendi saltem modo. Non dicas ergo opinionem tuam, ne ostendere scientiam tuam cum Heliu videaris; qui beatum Iob meliorem & sapientiorem se ausus est docere, & duriter increpare, ac rationibus compositis ingeniosè vincere; sed Deus spreuit eum, & reprobauit, eo quod superbè & animosè iusto & sancto viro se prætulisset.

§. 20. De reuelatione scripturarum mysticarum, à Deo imploranda & à proximo.

**Q**vando autem desideras aliquid obscurum intelligere, & de dubiis certificari, primum à Domino pete sensum & intellectum illius reuelari ad profectum tuum, & pro gloria eius. Contigit aliquando cuiusdam in tali forma Deum oranti; cum se iterum contulisset lectioni, statim ei aperiri ignorantiam eius: qui consolatus in verbo Domini, didicit habere recursum frequentiorem ad Deum omnia scientem. Tamen rursus hominis sensus quandoque à Deo humiliatur, ne capiat verbum tenebrosum; ut non eleuetur cor eius, & cadat in laqueum diaboli, autumnans se aliquid scire, cum nihil sciatur. Et nisi Deus voluerit nobis reuelare nonne tenebrae videntur esse scripturæ? Ideo secundum consuetudinem sanctorum Patrum, querendum est humiliiter à fratre aliquo, ut exponat & declaret nobis intellectum obscurioris lite-

## DE FIDELI DISPENSATORE.

Sic enim discipuli interrogabant Dominum dicentes: Ea nobis parabolam vñaniorum.

### §. 21. De spirituali collatione seu collocutione.

**C**onfert etiam non modicam scientiae utilitatem, studiosa & vñanimis duorum sibi bene consentientium diuina collatio. Vnde Saluator noster ait: *Vbi duo vel tres congregati fuerint in nomine meo, ibi sum in medio eorum.* Et alibi: *Dum hec autem adhuc loquerentur, stetit Iesus in medio discipulorum suorum,* & ait: *Pax vobis, & cetera, quæ de resurrectione eius pleniū leguntur.* Amor ergo in diuinis scripturis commendabilis est, per quem & carnalia & ociosa tanto celerius vitamus, quanto maior est in nobis. Senties in operibus tuis effectum meliorem, si diuinæ scientiae fueris speculator & impiger imitator.

*Matt.  
Ioan.*

### §. 22. De quotidianis operibus quomodo fiant.

**C**um opus tibi videtur, ut aliqua necessaria procures, vel etiam quædam ad meliorem durationem reformatas; fac in Dei nomine sine multa quæstione, & eris liberior à retractione eorum, qui contradicere potuerint. Ex quadam leuitate quædam oppositionem faciunt, & nescio qualem probationem in alijs querunt. Qui ergo silere scit & facere, sapientem viam tenet. Hæc in quotidianis & leuiibus obseruanda puto. Decet tamen fratri alicuius verba patienter audire, & propter virtutem humilitatis descendam, se qui interdum inferiorem: sed non semper, cum putatur fieri aliud magis inconveniens; quod bonæ & puræ conscientiæ melius relinquo, quam imperite consulam.

*Quæ ex x.  
quo factu-  
rus es, ccla  
alios.*

### §. 23. De consilio maiorum in spiritualibus causis considerando & recipiendo.

**D**e spiritualibus & maioribus causis, superiorum primò est voluntas consideranda; deinde ipsorum, si dubitas, requirenda sententia; ut quicquid iudicauerint, pro meliori accipiatur consilium. Si non acquieuerint vel satisfecerint interrogacioni, exceptanda est responsio. Fortè mature se deliberant, perspicientes alia æquè ibidem concurrentia vel obuiantia, ut non tam facilis & certa possit solutio dari. Postquam semel aut bis sanè intellexerint negotium quærentis, non expedit nimis insistere ad informandum eos, ne generetur aliqua gravitas aut molestia ab utraque parte. Quietius est ergo amodo tacere, & aliud consilium querere, sicut sanctus ait: *Auxilium meum à Domino, qui fecit cœlum & terram.* Cū defuncta humana, diuina sunt inquirenda suffragia, ut effectū cōcedat salutarē causis necessarijs. Sed præcaue tibi,

*Psal. 120.*